



CONVENIO DE COLABORACIÓN ENTRE A CONSELLERÍA DE MEDIO AMBIENTE E ORDENACIÓN DO TERRITORIO E O CONCELLO DE LOBIOS PARA A REALIZACIÓN DAS OBRAS DE ACONDICIONAMENTO DA PRAZA DE PUXEDO.

MEMORIA XUSTIFICATIVA

1.- ANTECEDENTES.

A colaboración entre este departamento e o concello de Lobios encadrase na continuada colaboración entre a Consellería e as entidades locais da Comunidade Autónoma para a execución de obras e actuacións en materia de entornos urbanos. Pola súa finalidade, esta actuación esta comprendida dentro do obxectivo estratéxico **“Posta en valor do plan hURBE en colaboración coas entidades locais da Comunidade Autónoma”**

2.- RAZÓNS DE OPORTUNIDADE.

Segundo o artigo 19.4, apartado c) da Lei 9/2007, do 13 de xuño de Subvencións de Galicia, “poderá concederse de forma directa as seguintes subvencións: c) con carácter excepcional, aquelas outras subvencións nas que se acrediten razóns de interese público, social, económico ou humanitario, ou outras debidamente xustificadas...”

O concello de Lobios, no exercicio das súas competencias expón a necesidade de afrontar obras de **“Acondicionamento da Praza de Puxedo”**, cun orzamento total estimado de **noventa e catro mil douscentos trinta e sete euros con cincuenta cinco céntimos (94.237,55 €)**.

A Praza constitúe o único espazo aberto de encontro e convivencia e esparcemento co que conta a poboación do núcleo de Puxedo. Trátase dunha zona moi transitada, por atoparse nesta unha Capela, que é lugar de culto para veciños e foráneos do lugar. No lugar existe tamén un peto das ánimas e un cruceiro. Todos estes elementos están catalogados como bens de interese cultural (BIC).

Esta situación fai que o obxecto desta colaboración se considere como de especial singularidade, que acredita a xustificación da **non concorrencia pública para o outorgamento da axuda**.

Constitúe o obxecto da actuación a urbanización da praza por medio da realización dunha nova pavimentación e disposición de novas instalacións de alumado público.

Preténdese pavimentar unha zona de 880 m² e implementar novo alumado público na praza. Proxéctase a pavimentación en adoquín de granito e pedra gris. Executarase unha nova instalación de alumado público, que constará de focos de chan para a iluminación puntual da capela e o peto das ánimas e de novas farolas para o alumado público.

A actuación, pola súa finalidade, forma parte dunha das principais liñas de acción da CMAOT: **“Posta en valor do plan hURBE en colaboración coas entidades locais da Comunidade Autónoma”** contida nos orzamentos xerais da Comunidade Autónoma de Galicia para o ano 2016.

As obras considéranse necesarias para mellorar a calidade de vida da poboación, construíndo un espazo seguro, accesible, harmonizado co medio e potenciador da imaxe do municipio.





DESCRIPCIÓN DO PROGRAMA TÉCNICO:

Proxéctase a pavimentación en adoquín de granito e pedra gris serrada segundo documentación gráfica. Será necesario acometer obras de levantamento do pavimento existente a base de soleira de formigón armado, para poder manter a cota que ten a día de hoxe a praza. Así mesmo levaranse a cabo obras de desmontaxe da rede de regadío, realizándose posteriormente unha nova instalación a base de arquetas sumidoiro con reixa de fundición, condutos enterrados de formigón e arquetas de rexistro conectadas á rede municipal existente.

Tamén se executará unha nova canalización para aloxamento da rede eléctrica de BT, formada por dous condutores de tubaxe de polietileno, para proceder ao cambio da rede aérea.

Deseguido e previa compactación e nivelado do terreo, procederase á execución da nova pavimentación, con dous tipos de materiais diferentes:

- Pavimento de lousas rectangulares de pedra de granito gris serrado de 60x40 cm., con cara superior labrada abuxarda fina, de 8 cm. de espesor, sentadas con morteiro de 1/6 de cemento sobre solera de formigón de 10 cm.
- Pavimento de adoquins de granito de 20x10x10 cm., labrados a unha cara, sentados sobre capa de morteiro de cemento, de 8 cm. de espesor, afirmados con maceta e retacado de xuntas.

Todo iso colocado segundo despeses e indicacións da dirección facultativa, respectando a formación de pendente cara os sumidoiros de pluviais para garantir a recollida de auga en toda a superficie.

O feito de existir financiamento axeitado e suficiente no proxecto de Orzamentos Xerais da Comunidade Autónoma para o ano 2016, para atender a petición e as vontades expresadas por ámbalas dúas Administracións intervintes, constitúen as razóns fundamentais de oportunidade de formalización do Convenio de Colaboración para regula-las intervencións de cada unha das partes, nas actuacións a desenvolver.

3.- OBXECTIVOS QUE SE PRETENDEN

Coa sinatura do convenio preténdese regular as actuacións entre as partes para levar a cabo as actuacións descritas no obxecto do convenio e consideradas necesarias para conseguir a finalidade obxectiva de poñer a disposición do uso público as obras a que se refire o obxecto do Convenio.

Por todo isto, o considerar debidamente xustificada a necesidade das actuacións previstas, propónse a sinatura dun Convenio de colaboración entre este Departamento e o concello de Lobios.

4.- MEMORIA ECONÓMICA

A valoración estimada das obras a realizar e que son obxecto do convenio, detállanse no seguinte resumo e que se corresponde co proxecto de execución das obras:





RESUME DE ORZAMENTO.

C00	ACTUACIÓNS PREVIAS	9.546,68 €
C01	MOVEMENTO DE TERRAS	2.582,80 €
C02	PAVIMENTOS	42.018,40 €
C03	REDE DE PLUVIAIS	818,04 €
C04	REDE ELÉCTRICA	3.214,30 €
C05	ALUMEADO PÚBLICO	5.470,87 €
C18	PRODUCCIÓN E XESTIÓN DE RESIDUOS	984,19 €
C19	SEGURIDADE E SAÚDE	812,00 €
TOTAL P.E.M. (Orzamento de execución material)		65.447,28 €
GASTOS XERAIS (13%) s/65.447,28 €		8.508,15 €
BENEFICIO INDUSTRIAL (6%) s/65.447,28 €		3.926,84 €
Total prezo do contrato		77.882,26 €
IVE (21 %) s/77.882,26 €		16.355,28 €
TOTAL ORZAMENTO CONTRATA		94.237,55 €

O convenio, implica a asunción dunha obriga económica para a Facenda autonómica de **noventa e catro mil douscentos trinta e sete euros con cincuenta cinco céntimos (94.237,55 €)**, con cargo á aplicación orzamentaria 07.02.521A 762.0, dos orzamentos xerais da Comunidade Autónoma para o exercicio de 2016.

En consecuencia, segundo o disposto no artigo no artigo 11.3 da Lei 4/2006, do 30 xuño, de transparencia e de boas prácticas na Administración pública galega e no artigo 26.3 da lei 9/2007, do 13 de xuño, de subvención de Galicia, a formalización do convenio, non require a autorización previa do Consello da Xunta de Galicia.

Santiago de Compostela.

Documento asinado dixitalmente por María Encarnación Rivas Díaz, secretaria xeral de Ordenación do Territorio e Urbanismo

